

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 39/15
Sarajevo, 15.06.2015. godine.

ZAPISNIK
SA SJEDNICE UDRUŽENJA SUDIJA/SUDACA U FEDERACIJI BOSNE I HERCEGOVINE
ODRŽAN 15.06.2015. GODINE

Sjednica je održana u prostorijama Vrhovnog suda u Sarajevu sa početkom u 12:00 sati

PRISUTNI ČLANOVI US FBiH: Božana Banduka, Šabić Mustafa, Stjepan Mikulić, Mirjana Dević, Zuhdija Čosić, Nedim Begić, Aladin Bajrić, Amir Ahmetspahić, Jozo Anđić, Zdenka Filipović.

ODSUTNI ČLANOVI US FBiH: Jasmin Jahjaefendić (opravdano), Vildana Helić (opravdano), Muhamed Kovač (opravdano), Hakija Zajmović (opravdano), Amra Muratbegović (opravdano).

DNEVNI RED

1. Usvajanje zapisnika sa prethodne sjednice USFBiH (02.04.2015)
2. Izvještaj sa sastanka potpredsjednika Udruženja sa predstavnicima Vijeća Evrope 18.05.2015. godine
3. Organizovanje susreta svih ogranaka USFBiH.
4. Razno

Dnevni red usvojen bez primjedbi.

AD.1

Zapisnik sa sjednice Udruženja sudija/sudaca u FBiH koja je održana 02.04.2015. godine je usvojen bez primjedbi.

AD.2

Predsjednicu Udruženja je obavijestilo članove predsjedništva povodom sastanka sa predstavnicima Vijeća Evrope 18.05.2015. Predsjednica Udruženja je bila spriječena da prisustvuje sastanku radi održavanja konferencije predsjednika sudova

BiH te je ispred Udruženja sudija/sudaca u FBiH na tom sastanku prisustvovao potpredsjednik Udruženja g-din Mustafa Šabić i sekretar Udruženja Denis Bilajac.

Predsjednica Udruženja je zamolila potpredsjednika Udruženja Mustafu Šabića da prezentira izvještaj sa sastanka. G-din Šabić je uzeo riječ te prezentirao izvještaj sa sastanka:

Sastanka je održan u hotelu „Bosnia“ Sarajevo u 12 sati. Sastanku su prisustvovali Prof. Lorena Bachmaier sa Complutense univerziteta u Madridu (Španija) i prof. Athanasia Sykiotou sa Democritus univerziteta u Trakiji (Grčka), ekspertice Vijeća Europe, prevodilac, potpredsjednik Udruženja sudija/sudaca u FBiH g-din Mustafa Šabić i sekretar Udruženja sudija/sudaca u FBiH Denis Bilajac.

G-din Šabić je otvorio sastanak te upoznao prisutne o osnovnim informacijama, strukturi i historijatu Udruženja sudija/ sudaca u FBiH.

Eksperti Vijeća Evrope su zamolile g-dina Šabića da prezentirao šta Udruženje i on smatraju da su glavni problemi pravosuđa u BiH.

- Jedan od problema je postojanje defakto trinaest ili četrnaest pravnih sistema u BiH, da postoji neujednačenost sudske prakse po kantonima i entitetima. Smatra da je to čisto političko pitanje i da sudije tu ne mogu puno uticati. Kao prijedlog za rješavanje tog problema bi bilo formiranje Vrhovnog suda na teritoriji BiH koji bi ujednačio sudsku praksu na teritoriji BiH.

Pitanje za g-dina Šabića problem saradnje VSTV-a i drugih institucija u pravosuđu BiH i strukovnih Udruženja.

- G-din Šabić obavještava da Udruženje redovno obavještava VSTV sa zaključcima i odlukama sa sjednica predsjedništva Udruženja. Da se odluke našeg udruženja ne uvažavaju u velikom broju slučajeva u VSTV-u. Udruženje pokušava da bude savjetodavno i da upozna sa problemima u pravosuđu FBiH VSTV BiH i ministarstva pravde u F BiH. Smatra da odnos VSTV-a i ministarstava prema Udruženju nije zadovoljavajući.

Pitanje za g-dina Šabića problemi neriješenih predmeta.

- G-din Šabić smatra da najveći broj neriješenih predmeta su ne sudski (npr. Komunalni sporovi i dr.) i veliki broj tih predmeta zagušuje pravosudni sistem. Smatra da bih se taj problem mogao riješiti da se formiraju agencije ili neki drugi organ koji bih se bavio presudama iz komunalnih sporova te da bi se time mnogo rasteretio pravosudni sistem u BiH. Kao još jedan od načina da se smanji broj neriješenih predmeta da se primi u rad novi broj sudija da se ubrza pravosudni sistem ali problem tog plana je nedostatak finansijskih sredstava.

Pitanje za g-dina Šabića oko imenovanja nosilaca pravosudnih funkcija.

- G-din Šabić smatra da VSTV mora ostati kao neovisna institucija koja će imenovati nosioce pravosudnih funkcija. Stav Udruženja je da u VSTV-u ne bi trebali biti advokati, da umjesto njih bi trebali biti eminentni profesori sa pravnih fakulteta. Da se formiraju u sklopu VSTV-a sudačko i tužilačko vijeće te da sudije biraju sudije a tužioc, tužioce. Da kao glavni kriterij za

napredovanje nosioca pravosudnih funkcija bude rezultati njihovog rada i kvalitet njihovih presuda pored drugih objektivnih razloga.

Pitanje za g-dina Šabića da li ima uticaja politike na sudsku vlast i budžete sudova.

- G-din Šabić smatra da gledajući na ukupan sudski sistem nije pod uticajem politike. Postoji problem politike oko finansiranja sudskog sistema pogotovo na teritoriji FBiH te je stav Udruženja da se formira sudski budžet na području teritorije FBiH i da se čitav pravosudni sistem u FBiH finansira iz jednog budžeta.

Pitanje za g-dina Šabića da li smatra program obuke nosioca pravosudnih funkcija zadovoljavajućim. Pitanje oko postupka pred disciplinskim tužiteljem. Pitanje oko tehnološke opremljenosti sudova i softvera u pravosudnom sistemu.

- G-din Šabić smatra da je program obuke nosioca pravosudnih funkcija dobro postavljen.
- Da je zadovoljan sa radom disciplinskog tužitelja ali da ima mjesta za poboljšanja.
- Da je opremljenost pravosudnih institucija na dobrom nivou i da ima napretka u toj oblasti.

Nakon završenih pitanja g-din Šabić se ispred Udruženja zahvalio ekspertima Vijeća Evrope na pozivu na sastanak, te je pozvao predstavnika Vijeća Evrope da kao gosti dođu na XIV savjetovanje iz krivične oblasti u organizaciji Udruženja sudija/sudaca u FBiH koje će se održati 03-05.06.2015. godine u Neumu. G-din Šabić je izrazio volju da se nastavi suradnja između predstavnika Vijeća Evrope i Udruženja sudija/sudaca u FBiH u vezi svih pitanja povodom pravosuđa u FBiH i BiH.

Članovi predsjedništva su primili na znanje izvještaj sa sastanka potpredsjednika Udruženja Mustafe Šabića i nisu imali primjedbi na njegovi izvještaj.

AD 3.

Predsjednica Udruženja je upoznala članove predsjedništva sa aktivnostima poduzetim oko organizacije zajedničkog druženja svih članova predsjedništva. Nakon sjednice predsjedništva 02.04.2015. godine upućeno je pismo svim članovima predsjedništva i predsjednicima ogranaka da se provjere sa svojim članstvom te da pošalju obavijest na kancelariju Udruženja da li njihov ogranak podržava inicijativu oko organizacije zajedničkog druženja svih članova udruženja. Svi ogranci osim Ogranka Sarajevskog kantona su poslali obavijest da podržavaju organizaciju zajedničkog druženja.

Nakon kraće rasprave članovi predsjedništva su jednoglasno donijeli zaključak:

„Da kancelarija Udruženja pokrene aktivnosti oko organizacije druženja. Lokacija gdje bi se održalo druženje je Vlašić te da sekretar udruženja stupi u kontakt sa hotelima te da pribavi ponude za organizaciju druženja. Zakazan je termin druženja za 02-03.10.2015 (petak i subota). Da se druženje finansira iz sredstava koji pripadaju ograncima Udruženja (50 % članarine) a sve u skladu sa Statutom Udruženja.

Finansiranje će se vršiti srazmjerno u zavisnosti koliko se iz kojeg ogranka prijavi članova za druženje.

S obzirom na raspoloživa finansijska sredstava za organizaciju druženja odlučeno je da Udruženje pokriva smještaj članovima sa svečanom večerom na bazi punog pansiona u jednokrevetnim sobama.

Udruženje ne pokriva putne troškove dolaska članova na druženje.

Sekretar Udruženja će uputiti dopis svim predsjednicima ogranaka sa detaljima oko organizacije druženja te je zadatak svih predsjednika ogranaka da upoznaju svoje članove sa tim dopisom i dostave spisak članova koje će prisustvovati druženju najkasnije do 17.07.2015. godine.“

AD 4.

Razno:

1. Kancelarija Udruženja je zaprimila dopis ogranaka Kantona Sarajevom a u vezi prijedloga ogranaka Sarajevskog kantona o poboljšanju načina rada Udruženja i animiranja članstva Udruženja. Članovi predsjedništva su se upoznali sa prijedlogom ali na molbu sekretar Udruženja koji ih je obavjestio da član predsjedništva Hakija Zaimović je spriječen da prisustvuje ovoj sjednici predsjedništva te da je zamolio da se oko ovog prijedloga raspravlja na sljedećoj sjednici predsjedništva kada on bude prisutan. Članovi predsjedništva su prihvatili taj prijedlog te će se o ovoj tački dnevnog reda raspravljati na narednoj sjednici predsjedništva.
2. Na kancelariju udruženja je zaprimljen dopis VSTV-a BiH povodom nominovanja predstavnika Udruženja u Radnu grupu za razmatranje pitanja sukoba interesa nosilaca pravosudnih funkcija. Članovi predsjedništva su upoznati sa dopisom u kojem su predloženi svi kandidati ispred svih Udruženja za tu radnu grupu i u kojem stoji da se Udruženja pokušaju dogovoriti o jednom kandidatu ispred svih Udruženja sudija na teritoriji BiH. Članovi predsjedništva su nakon rasprave donijeli jednoglasno zaključak, koji će se nakon sjednice uputiti VSTV-u:
„Predsjedništvo Udruženja ostaje pri svom stavu te smatra da je naš kandidat za poziciju u Radnu grupu za razmatranje pitanja sukoba interesa nosilaca pravosudnih funkcija, g-đa Vildana Helić najkvalitetniji kandidat za tu poziciju te smatra da bi VSTV BiH trebao da prihvati i imenuje prijedlog kandidata Udruženja sudija/sudaca u FBiH u radnu grupu“
3. Na adresu Udruženja je zaprimljen zahtjev za pomoć po članu 51. Statuta USFBiH od sudca Reufa Kapića, člana USFBiH iz Kantonalnog suda Bihać, ogranak Unsko-sanskog kantona. Nakon uvida u dostavljeni zahtjev i medicinsku dokumentaciju članovi predsjedništva Udruženja su odobrili pomoć za sudca Reufa Kapića po čl. 51 Statuta USFBiH i pravilnika USFBiH broj 64/12, u iznosu od 1000,00 (hiljadu) KM.
Odluka broj: 40-1/15. od 15.06.2015

4. Predsjednica Udruženja je zamolila sve članove predsjedništva i predsjednika ogranaka da obavezno obavijeste sekretara udruženja povodom smrti članova Udruženja iz njihovih ogranaka kako bih kancelarija udruženja poduzela odgovarajuće aktivnosti oko objavljivanja čitulja u dnevnim novinama i upućivanja telegrama saučešća porodicama preminulog.

Sastanak je okončana u 13:30 sati

Predsjednica Udruženja
sudija/sudaca u FBiH
Božana Banduka